



Soraarnerussutisiaqarnissamut aaqqissuussinermut peqataasussaaitaanerup allannguutai pingaarnertit

Soraarnerussutisiaqarnissamut aaqqissuussinermut peqataasussaaitaanermi atugassarititaasut arlaqartut, 2022-mut aningaasanut inatsisikkut allanngortinneqarnissaat naalakkersuinikkut isumaqatigiissutigineqarpoq. Allannguutit 1. januar 2022-miit atuutilissapput.

Soraarnerussutisiaqarnissamut aaqqissuussinermut peqataasussaaitaaneq, aningaasanut inatsit akuersissutigineqarmat allannguuteqartinneqarpoq.

Kingumoortumik allannguutit

2018-imi, 2019-imi imaluunniit 2020-mi ileqqaarsimasassatit tamakkerlugit akilersimanngikkukkit, akilinngisavit sinneri akilernerqartussaajunnaassapput. Tassa imaappoq, 2022-mut skattekortimik qaffatamik nassinneqassanngilatit.

2021-mut tunngatillugu immikkut

2021-mi skattekortimik qaffatamik peqaruit peqarsimaguilluunniit, taava akiliutigisimasatit sulisitsisuit akileraarutit A-tut nalinginnaasutut unerartissimasaatut isigineqassapput. Aningaasalli tassani pineqartut taamaallaat tassaapput soraarnerussutisiaqarnissamut aaqqissuussinermut nuunneqareersimanngitsut.

Assersuut

Soraarnerussutisiaqarnissamut aaqqissuussinermut akiliinikipallaarsimanerit pissutigalugu ulloq 1. januar 2021-mili skattekortimik qaffatamik peqarputit. Aningaasanut inatsisip isumaqatigiissutigineqarnerata kingunerissavaa, procentit qaffaataasut sulisitsisuit 2021-mi akilersissimasaasa akileraarutit A-tut nalinginnaasutut isigineqarnissaat. Tassa imaappoq, akileraarutit qaffaataatigut akilersimasatit inaarummik naatsorsuut tulliuuttoq aqutugalugu ilinnut tunniunneqassapput. Tunniussineq akileraarutinut akiliivallaartoqarsimatillugu utertitsisarneq pillugu maleruagassat malillugit pissaaq. Utertitsineq 2022-mi augustip naalernerani pissaaq.

2022-mi akiliinissaq pillugu maleruagassat

Innuttaasut 18-ileereersimasut tamarmik soraarnerussutisiaqarnissamut aaqqissuussinermut peqataasussaaitaaneq pillugu ukiumoortumik naatsorsuummik 2022-mi augustip naalernerani nassinneqassapput. Naatsorsugaq e-Boksikkut nassiunneqassaaq. 2021-mi ileqqaarsimasassat naatsorsuummi allaqqassapput – tassa imaappoq aningaasat qanoq amerlatigisut soraarnerussutisiaqarnissamut aaqqissuussinermut akilernerqartussaanesut. Tassani takuneqarsinnaavoq soraarnerussutisiaqarnissamut aaqqissuussinermut akiliinikipallaarsimanersutit imaluunniit pisussaaffiit naammassisimanerit.

2021-mut ukiumoortumik naatsorsuummi allaqqappat ileqqaarsimasassatit 4000 kr.-it inorlugit *ikinaarsimagitit*, taava taakku 2022-mi akilertussaassanngilatit.

Ukiuumut 125.000 kr.-nit ataallugit aningaasarsiaqaruit, taava soraarnerussutisiaqarnissamut aaqqissuussinermut akiliinissamut pisussaaffeqanngilatit. Soraarnerussutisiaqarnissamut aaqqissuussinermut akiliisarsinnaavutit, tamannali illit nammineq aalajangissavat.

Ukiunut 125.000 kr.-nit – 175.000 kr.-nit akornannik aningaasarsiaqaruit, taava soraarnerussutisiaqarnissamut aqqissuussinermut ikinnerusunik akiliinissamut pisussaaffeqassaati. Procentinik qassinik akiliinissat soraarnerussutisiaqarnissamut aqqissuussinermut peqataasussaataaneq pillugu ukiumoortumik naatsorsuummi allaqqassaaq.

Pisussat tulliuuttut

Maleruagassat naapertorlugit soraarnerussutisiaqarnissamut aqqissuussinermut akiliinissaanerit ukiuni aningaasarsiorfiusuni 2021-mi aamma 2022-mi atuutiinnassaaq. Akissarsiortuuguit aningaasarsiavit 6 %-ii soraarnerussutisiaqarnissamut aqqissuussinermut akilissavatit. Namminersorlutit inuussutissarsiummik ingerlataqartuuguit ingerlatavit sinneqartoorutaasa 4 %-ii akilissavatit.

Taassuma saniatigut allamik iliuuseqassanngilatit.

2021-mut inaarummik naatsorsuummik, kiisalu soraarnerussutisiaqarnissamut aqqissuussinermut peqataasussaataaneq pillugu ukiumoortumik naatsorsuummik 2022-mi augustip naalernerani nassinneqassaati. Malugiuk, Akileraartarnermut Aqutsisoqarfiup ilinnut allagai il.il. sullissivik.gl-imi e-Boksinnut siunissami nassiunneqartassammata.

Soraarnerussutisiaqarnissamut aqqissuussinermut peqataasussaataaneq naatsumik

Soraarnerussutisiaqarnissamut aqqissuussinermut peqataasussaataaneq qulakkiigassaraa, sulillutik akissarsiallit tamarmik utoqqalinissaminut ileqqaarnissaat. Soraarnerussutisiaqarnissamut aqqissuussinermut peqataasussaataaneq pitsaanerullunilu toqqissisimanarnerunissaa siunertaavoq.

Aqqissuussineq innuttaasunut 18-it 62-illu akornannik ukioqartunut tamanut atuuppoq, akissarsiortuuneq imaluunniit namminersorluni inuussutissarsiummik ingerlataqartuuneq apeqqutaatinnagu. 2021-mi aningaasarsiavit 6 %-ii soraarnerussutisiaqarnissamut aqqissuussinermut akilissavatit. Namminersorlutik inuussutissarsiummik ingerlataqartut ingerlatamik sinneqartoorutaasa 4 %-ii akilissavaat.

Soraarnerussutisiaqarnissamut naammattumik akiliisimangikkuit, taava aningaasat akiliinikippallaarutaasut, procentit akileraarusiissutissatut aalajangersagaasut malillugit skattekorti aqqutigalugu nalinginnaasumik akilersinneqassapput. Procenti qaffaataasoq akileraarutinut qaffaataannngilaq, tassaallunili illit nammineq soraarnerussutisiaqarnissamut akiliutissat.

Soraarnerussutisiaqarnissamut aqqissuussinermut peqataasussaataaneq pillugu paasisaqarnerusinnaavutit Sullissivik.gl-imi.